

Josip Juratović  
Član njemačkog parlamenta  
Povjerenik za integraciju ispred SPD-ove frakcije u parlamentu.

**Berlinski ured:**

Platz der Republik 1  
11011 Berlin  
Ured: Paul-Löbe-Haus, Soba: 5.734  
Telefon: +49 (0)30-227 70 107  
Fax: +49 (0)30-227 76 114  
josip.juratovic@bundestag.de

**Gradanski ured:**

Untere Neckarstraße 50  
74072 Heilbronn  
Telefon: +49 (0)7131-78 36 16  
Fax: +49 (0)7131-78 36 15  
josip.juratovic.wk@bundestag.de

Berlin, 15. aprila 2016. godine

**Legalna migracija radne snage je uspjeh!**

Tržište rada otvoreno za zapadni Balkan: Juratović povlači pozitivnu bilancu

Od 1. januara 2016. godine, osobe iz zemalja zapadnog Balkana imaju priliku da jednostavnije nego što je to do sada bio slučaj počnu raditi u Njemačkoj. Pretpostavke za to su konkretna ponuda za izobrazbu ili konkretna ponuda radnog mjesta te odobrenje Savezne Službe za zapošljavanje (položen ispit za sticanje prednosti; *Vorrangprüfung*). Uvijek se provjeravaju i uvjeti za zapošljavanje. Oni ne smiju biti nepovoljniji nego što je to slučaj kod ekvivalentnih domaćih uposlenika.

Josip Juratović je izvjestitelj za jugoistočnu Evropu i povjerenik za integraciju ispred SPD-ove frakcije u parlamentu. On se već dugo vremena zalaže za veće mogućnosti u migraciji radne snage. I sada povlači prvu bilancu:

*„Bila je to ispravna odluka SPD-ove ministrice za rad Andree Nahles da osobama sa prostora zapadnog Balkana otvori legalnu mogućnost imigracije. Kao prvo, njemački poslodavci sada brže nego što je to do sada bio slučaj mogu popunjavati radna mjesta koja se, u odnosu na potrebne kvalifikacije, nalaze ispod mjesta za koja je potrebna stručna radna snaga – a da to pritom ne ide na štetu domaćih uposlenika. Kao drugo, bolja ponuda ilegalnih načina za imigraciju smanjit će ilegalnu imigraciju.*

U mjesecima od novembra 2015. do februara 2016. godine, Savezni zavod za zapošljavanje obradio je 4.765 ispit za sticanje prednosti (*Vorrangprüfung*) za državljane iz Albanije, Bosne i Hercegovine, sa Kosova, iz Makedonije, Crne Gore i Srbije. Od tog broja, 4.153 (87 posto) ispita je odobreno. Nakon toga je od 1.12.2015. do 31.3.2016. godine 3.247 osoba podnijelo zahtjev za radnu vizu u njemačkim ambasadama kako bi legalno došli u Njemačku. Izdato je 1.700 viza; 1.154 zahtjeva se još obrađuje; 338 zahtjeva je odbijeno.

Istovremeno je pao broj azilanata iz tih zemalja. Dok su osobe sa zapadnog Balkana imale znatan udio u ukupnom broju azilanata tokom 2015. godine, njihov udio u 2016. godini u mjesecima januar i februar iznosio je svega 4,1 posto od svih azilanata koji prvi put podnose zahtjev za azil (što odgovara broju od 2.709 osoba).

Juratović u vezi s tim kaže:

*Legalna migracija radne snage im smisla: ona ljudima koji žele u Njemačku daje jednu realističnu sliku njihove perspektive za budućnost – i suzbija isuviše velika očekivanja. Osim toga, ona jača društveno zajedništvo. Naime, integracija najbolje funkcioniра preko posla – i to samo onda kada se domaći uposlenici ne mogu izigravati protiv imigranata.*

U slučaju pitanja, možete nas kontaktirati u Berlinskom uredu Torsten Menzel pod brojem 030/227 70 107 ili na adresu [josip.juratovic@bundestag.de](mailto:josip.juratovic@bundestag.de).